



## **ACTA DA SESIÓN CONSTITUTIVA DA CORPORACIÓN MUNICIPAL DE A MEZQUITA 15 DE XUÑO DE 2.019**

Sendo ás dez horas e trinta minutos do día quince de xuño de dous mil dezanove, no salón de Sesións da Casa do Concello de A Mezquita reúnese en sesión constitutiva o Pleno da Corporación Municipal convocado regulamentariamente ao efecto ao abeiro do disposto no artigo 195-1 da Lei Orgánica 5/1985 do 19 de xuño de Réxime Electoral Xeral.

Concelleiros e Concelleiras asistentes:

D.RAFael PÉREZ VÁZQUEZ  
D.ANTONIO BLANCO MARTÍNEZ  
D.FCO. ANTONIO GARCÍA FORNOS  
D<sup>a</sup> TAMARA BALLESTEROS VIDUEIRA  
D<sup>a</sup> CRISTINA CLAVERÍA ALVES  
D.FRANCISCO FERNÁNDES PIRES  
D<sup>a</sup> SUSANA FERNÁNDEZ TOMÁS  
D.JOSÉ RODRÍGUEZ GÓMEZ  
D.JESÚS RÍO PIORNEDO

### **ORDE DO DÍA**

- 1º.- Constitución da Mesa de idade.**
- 2º.- Comprobación de credenciais.**
- 3º.- Xuramento ou promesa dos concelleiros e concelleiras.**
- 4º.- Declaración de constitución da Corporación.**
- 5º.- Elección do Alcalde.**
- 6º.- Xuramento ou promesa do cargo de Alcalde e toma de posesión.**

Secretario: D. FRANCISCO GARCÍA SUÁREZ

Expón o Secretario-Interventor que a Mesa de Idade está formada como Presidente polo concelleiro de maior idade D. Francisco Fernádes Pires e pola concelleira de menor idade Dona Cristina Clavería Alves.

Signala así mesmo, que todas as concelleiras e todos os concelleiros cumpriron co requisito de presentar as correspondentes declaracións, segundo os modelos do Rexistro de Intereses: incompatibilidades e bens patrimoniais que quedan baixo a custodia de Secretaría-Intervención.

Indica que foi realizada con esta data a correspondente Acta de Arqueo.

O Presidente da Mesa de Idade dalle a benvinda aos asistentes e aos compañeiros e compañeiras da Corporación e manifesta que foron comprobadas as credenciais presentadas en base as certificacións que o Concello de A Mezquita recibiu da Xunta Electoral de Zona. Declara constituída a Corporación Municipal por contar co quorum suficiente, nesta caso coa totalidade dos seus integrantes, segundo o disposto no artigo 195.4 da referida Lei Orgánica de Réxime Electoral Xeral e solicita do Sr. Secretario que dé lectura á fórmula contemplada no RD 707/1979 do 5 de abril para a toma de posesión dos cargos de concelleiros e concelleiras, segundo o disposto no artigo 108.8 da LOREG. O Sr. Secretario dálle lectura ao texto "Xurades o prometedes pola vosa conciencia e honra cumprir fielmente coas obrigas do cargo de concelleira ou concelleiro como norma fundamental do Estado"

Chamados nominalmente os 7 concelleiros e concelleiras do BNG respostaron "Sí prometo e defenderei os intereses do Pobo Galego e do Concello de A Mezquita". O Concelleiro do PP respostou "Sí xuro" e o Concelleiro do PSdeG PSOE "Sí prometo". Cumprindo este trámite o Presidente da mesa indicou que todos os concelleiros e concelleiras tomaron posesión do cargo con pleno dereito e declara constituída a Corporación Municipal procedendo a continuación a desenvolver o punto 5º da Orde do día correspondente á Elección de Alcalde.

Indica o Sr. Secretario que segundo o disposto no artigo 196 da LOREG son candidatos os concelleiros que encabezaron as respectivas candidaturas: D. Rafael Pérez Vázquez polo BNG, D. Jesús Ríu Piornedo polo P.P. e D. José Rodríguez Gómez polo PSdeG PSOE. Realizada a correspondente votación ordinaria a proposta de D. Rafael Pérez Vázquez contou con 7 votos a favor correspondentes aos concelleiros e concelleiras electos na candidatura do BNG e D. Jesús Ríu Piornedo e D. José Rodríguez Gómez con un voto



cada un polo que ao ter acadado a maioría absoluta pola Corporación Municipal é electo Alcalde-Presidente D. Rafael Pérez Vázquez.

O Presidente da Mesa de Idade solicita do Sr. Secretario que tome promesa ou xuramento a D. Rafael Pérez Vázquez como Alcalde, repetindo a fórmula xa sinalada do RD 707/1979 contestando éste "Sí prometo e defenderei os intereses do Concello de A Mezquita e do Pobo Galego", tomando posesión do seu cargo de Alcalde-Presidente entre os aplausos dos compañeiros de corporación e dos veciños e veciñas asistentes.

Neste momento pasa a ocupar D. Rafael Pérez Vázquez a presidencia do Pleno da Corporación e saúda aos asistentes intervindo para sinalar o seu agradecemento aos veciños e veciñas de A Mezquita polo inmenso apoio recibido. Sinala que este apoio extraordinario esixe unha maior responsabilidade e adicación despois de 18 anos traballando a prol do Concello de A Mezquita. Expresa que teñen sido anos duros en moitos aspectos e agradece aos que teñen estado nestes anos o seu traballo e compromiso, así como manifesta a súa total confianza na nova equipa de goberno e na candidatura presentada e a súa ilusión por acadar novos logros nesta etapa que se inicia.

Promete entrega, traballo e honestidade para corresponder a tan amplo respaldo e ofrece diálogo e man tendida á oposición municipal, aos concelleiros Jesús Rio Piornedo e José Rodríguez Gómez para traballar xuntos polo futuro de A Mezquita.

Co aplauso dos asistentes ao remate das palabras do Alcalde e cos saúdos e parabéns finalizan a intevención.

E non habendo mais asuntos que tratar o Sr. Alcalde deu por rematada a sesión, sendo as doce horas e trinta e cinco minutos, da que se levanta a presente acta, que como Secretario dou fé e Certifico

O ALCALDE,

O SECRETARIO,